

亥 21
46(3)-10
3

十四

醫學從衆

三

三十一

醫學從衆卷五

閱吳航陳念祖修園甫著

次男元犀靈石參訂

孫男 心典徽菴 仝校字
心蘭芝亭

隔症反胃

隔者阻隔不通不能納穀之謂也。又謂之隔言病在胸膈之間也。上焦出胃上口主納中焦並胃中主腐化下焦別廻腸主濟泌此症三焦失職百無一生丹溪指為胃脘乾枯以四物湯入牛羊乳竹瀝韭汁之類主之薛氏指為怫鬱傷肝肝木剋土以左金丸道

遙散六君子湯歸脾湯六味丸九味丸之類隨症間服易思蘭本
此法以治氣膈晨吞入味丸百粒暮服暢衛湯開導其上滋補其
下多效趙氏以此病多得之五旬以上腎水既乾陽火偏盛煎熬
津液三陽熱結則前後閉滯下既不通必反於上直犯清道上冲
吸門須以六味丸料大劑煎飲久服可挽十中之一二然以余觀
之隔病既成終無治法問曰既無治法豈真坐視其亡耶

修園曰卽欲服藥亦不過盡人事而已吾鄉老醫某只守程氏啟
膈飲一湯始服頗效久亦增病然而痰火鬱氣阻逆於上者亦藉
爲引導也已任篇專取陽月以左歸飲加生地當歸亦所以開竅

門此門開則能納食

幽門此門開則小便利

闕門此開門則大便潤

之法也此數方之意

皆仿於仲景大半夏湯用甘瀾蜜水之法而不知仲景取半夏以
升降陰陽藉人參以重生津液復得蜜之滋潤灌溉流通而阻隔
之患乃免程氏以半夏耗液爲禁豈知仲景麥門冬湯及此方之
微旨哉

張石頑云古人指噎膈爲津液乾枯故水液可行乾物梗塞爲枯
在上焦余竊疑之若果津液枯槁何以食纔下咽涎隨上湧乎故
知膈咽之間交通之氣不得降者皆衝脉上行逆氣所作也惟氣
逆故水液不得居潤下之常隨氣逆湧耳若以津枯而用潤下之
劑豈不反益其邪乎宜六君子湯加減挾寒脉遲細者加肉桂附
子挾熱脉數滑者加枳實黃連若噎而聲不出者加五味子竹茹

喉中有一塊食物不下者。痰氣也。加海石。訶子。膈間作痛。多是痰血。加歸尾。桃仁。韭汁。童便。甚者。加大黃。微利之。千金五噎丸。五膈丸。亦可擇用。

按張石頑。主於衝脈上逆。誠千古灼見。亦從仲景大半夏湯悟出。然必謂潤下之劑。反益其邪。是因其涎沫之多。而狃於見症之陋。習也。衝脈不治。取之陽明。故仲景以半夏降衝脈之逆。卽以白蜜潤陽明之燥。加人參以生旣亡之津液。石頑此論。得其半而遺其半也。蓋人之胃中。疊積如膏脂者。謂之胃陰。今因衝氣上逆。日嘔出粘涎。卽日亡其胃陰。尙得謂滋潤之劑。宜屏絕乎。余所以不敢阿好也。

人鏡經曰內經云三陽結謂之隔蓋足大陽膀胱經水道不行手
太陽小腸經津液枯涸足陽明胃經燥糞結聚所以飲食拒而不
入縱入太倉還出喉嚨人之腸胃一日一便乃常度也今隔食之
人五七日不便陳物不去新物不納俗醫強分爲五膈十噎支派
旣多併喪其實標本不明是以火裏煨薑湯中煮桂胡椒末已靠
撥繼之丁香末已豆蔻繼之雖曰和胃胃本不虛雖曰溫脾脾本
不寒此病之所以日盛也法當用三一承氣湯節次微下之後用
芝麻飲噉之陳莖去而腸胃潔癥瘕盡而榮衛昌飲食自進矣
按此法雖偏而百無一生之症急用之尙有餘望否則逡巡觀
望何濟於事

反胃症朝食暮吐暮食朝吐。初患者尚可治。王太僕云食不得入。是有火也。食入反出。是無火也。遵趙氏法。以六味丸治陽症。是壯水之主。以制陽光。以八味丸治反胃。是益火之原。以消陰翳。而自愚論之。食入反出。脾失其消穀之能。胃失其容受之能。宜理中湯溫脾。加麥芽以暢達一陽之氣。與參朮消補同行。土木不害。而脾得盡其所能。或吳茱萸湯溫胃。藉吳萸以鎮納厥陰之逆氣。合參朮甘溫相濟。震坤合德。而胃得盡其所能。而猶恐中土大寒。溫補大緩。以乾薑吳萸附子草撥蜜丸。俾火化之速。復恐燥熱上階。傷上焦細縲之氣。以沙參白朮茯苓麥芽五穀虫甘草白蔻仁爲末。厚裹於外。又以硃砂六一散爲衣。使溫

和之藥在外先行於上而辛熱之藥由中焦以直達命門熟腐

水穀續以八味丸收其全功若病勢之甚第以八味丸緩服未

免迂濶矣張石頑云有陽虛不能統運嘔逆便秘用人參大黃

當片作芥子大谷二錢但飲熱及食椒薑輒呃者有瘀血也

診脈

浮緩而滑 沉緩而長皆可治

弦濇短小為難治

大半夏湯方見金匱

啟膈飲方見寶易

三一承氣湯方見時方

按久病與羸敗之人前方未免太峻。余用麻仁丸及高鼓峯新方代之。高鼓峯悟王損菴治隔用大黃之妙。融會一方頗爲穩當。方用熟地五錢當歸白勺桃仁麻仁各三錢。微微潤之。其形體如常。卽以前方內加大黃一二錢以助血藥。

加減左歸飲

經云腎乃胃之關。關門不利升降息矣。關門卽氣交之中天之樞也。故腎旺則胃陰充胃陰充則能食。

已任篇曰：隔症一陽明盡之。予治荆溪潘爾修之隔。用左歸飲去茯苓加生地當歸兩大劑。而便潤食進。又十劑而兩便如常。飲食復舊。蓋以左歸飲中有甘草則直走陽明以和其中。且當歸生地合用則能清胃火以生其陰。胃陰上濟則賁門寬展。故飲食能進。胃陰下達則幽門闌門皆滋潤。故二便如常。去茯苓

者恐其分流入坎。不若專顧陽明之效速也。

和中暢衛湯

紫蘇梗五分

香附醋炒

神麴炒

沙參錢

桔梗

連翹去子尖 各六分

木香四分

蒼朮

撫芎

貝母各八分

砂仁三分

生薑三片

水煎服

易思蘭曰註云香附、蘇梗、開竅行氣。蒼朮、健中。貝母、開鬱痰逆。翹散六經之火。撫芎發肝木之困。神麴行脾之鬱。木香、逐氣流。行。桔梗升提肺氣。沙參助正氣而不助火。此方提上焦之火邪。乃火鬱發之之義也。然徒用此方而不兼補下之藥。雖能解散。

於一時其火無水制必然復生而痞滿噎隔之疾恐尤甚於前也。

愚按內經云、隔塞閉絕。上下不通。則暴憂之病也。可見此病多起於鬱結不舒。胃氣不能敷布所致。張鷟峰所謂神思間病是也。方中雖是解鬱套藥。而分兩多寡。氣味配合。似有獨得之妙。又與八味丸間服。所以多效。喻嘉言資液救焚湯與八味丸間服。亦是此意。但救焚湯大涼大降。流於奇險。不如此湯之平易近人也。

五噎丸

于金

治胸中久寒嘔逆妨食結氣不消

乾薑

蜀椒

吳茱萸

桂心

北細辛

各一兩

人參

白朮

各二兩

橘皮

茯苓

各一兩五分

附子

一枝炮

右爲細末煉蜜丸桐子大酒服十五丸日三服漸加至三十丸

五膈丸

于金

治飲食不得下手足冷上氣喘息

麥門冬

三兩

甘草

二兩

蜀椒

炒去汗

遠志肉

桂心

細辛

乾薑

炮各一兩

附子

一枚炮

人參

二兩

右爲細末煉白蜜丸彈子大先食噲一丸細細嚥之喉中胸尙

熱藥丸稍盡再噙一丸日三夜二服七日愈

張石頑曰二丸同用參附椒辛薑桂之類一以肝氣上逆胃氣不下而嘔噎故用萸橘以疎肝降逆苓朮以健脾通津一以腎氣不蒸肺胃枯槁而不納故用冬草以滋肺和胃遠志以補火生土又嘔噎而藥食可進者頻與小丸調之膈塞而飲食不納者時用大丸噙之其立法之詳若此可不辨而忽諸

吳茱萸湯

方見傷寒

理中湯

方見傷寒

連理丸

理中丸加黃連

八味丸

方見時方

又放隔食反胃及嘔吐粒米不入之症多係七情不遂激動其氣氣亂載血上逆菟積於中胃氣阻隔用生鴨血乘熱飲之取其生氣未離以血攻血直透關鑰引宿積之瘀一涌而出而胸脇豁然此法詳於蘇東坡瑣錄前輩金淳還公卽韓慕廬東坦俱已驗效推之生鴨血生黃牛血亦可用

西洋藥酒方

錦囊秘授

神治隔食翻胃一切痢疾水瀉等症立驗

紅荳蔻

去殼

白荳蔻

去殼

肉荳蔻

麵裏煨用糖紙包壓去油

高良薑

切片炒

甜肉桂

去皮

公丁香

各研淨細末戩准五分

先用上白冰糖四兩水一飯碗入銅鍋內煎化再入雞子清二

個煎十餘沸入好燒酒一觔離火置穩便處將藥末入銅鍋內打勻以火點着燒酒片刻隨即蓋鍋火滅用紗羅濾去渣入磁瓶內用冷水去火氣隨量少飲之

繆仲淳秘傳膈噎膏

人參濃汁

人乳

牛乳

梨汁

棧汁

蘆根汁

龍眼濃汁

右七味各等分加薑汁少許隔湯熬成膏于下煉蜜徐徐頻服之其效如仙丹

貝母糖酒方

好陳酒一

冰糖十兩

貝母去心

砂仁

木香

陳皮各二錢

右咀片入磁瓶內，箬葉扎緊，上放米一撮，煮以米熟為度，每日清晨服一大杯。

糖薑餅

用糖坊內上好糖糟一

生薑四兩

先將糖糟打爛和薑再搗做小餅晒乾，放磁瓶內置灶烟櫃上，每日清晨將餅一枚泡滾水內少停飲湯。

入汁湯

治噎食

生藕汁

生薑汁

雪梨汁

蘿蔔汁

甘樨汁

白菓汁

蜂蜜

竹瀝

右各一盞和勻飯上蒸熟任意食

牛羊人乳汁

治翻胃膈氣此證必起於腸枯血燥大便三四日一次糞如馬
屎若如羊屎者不治口常吐白沫者不治

牛乳

羊乳

人乳

不拘分重總宜常服為生血潤腸之妙藥

瘧症

瘧疾不離少陽少陽為半表半裡邪居表裏之界入與陰爭則寒
出與陽爭則熱爭則病作息則病止止後其邪仍據於少陽之經

淺則一日一作深則二日一作更深則三日一作雖有別經總以少陽爲主。故仲景以弦字該本症之脉。蓋於治法只一小柴胡湯。熱多煩渴。加知母花粉。寒多身疼。加乾薑桂枝。治之得法。一二服可愈。朱丹溪云。無汗要。有汗散。邪爲主。帶補。正有汗要。無汗補。正爲主。帶散。邪大抵於小柴胡湯中。無汗麻黃可加二錢。卽三解湯意也。有汗桂枝酒芍可各加二錢。卽柴胡桂枝湯意也。如三五作不休。卽於前方加常山三錢。一服卽愈。俗謂常山截瘧。用之大早。則截住邪氣。而成他病。不知常山祛痰涌吐。從陰達陽之藥。正所以鼓邪氣外出。何截之有。余每合川山甲。金銀花。三味取其通達經絡。又以入參當歸白朮何首烏之類。擇用一二兩爲君於瘧未

出時服之多愈。至於方書分定名色多歧，反感而所應別者，如單寒無熱爲牡瘧，宜理中湯；理陰煎加柴胡，主之單熱無寒爲痺瘧。或先熱後寒爲熱瘧，宜白虎湯加桂枝，主之勞役飢飽過度爲勞瘧，宜補中益氣湯加柴胡，主之受山嵐瘴氣爲瘴瘧，宜霍香正氣散。平胃散加柴胡，主之久瘧心腹有塊者，名瘧母，以鱉甲飲，主之。只此數症，畧宜分別，究亦不離少陽一經也。若瘧痢交作，只以小柴胡湯，疎少陽之氣，則陷者自舉。加花粉三錢，滋陽明之液，則滯者自通。或卽以此湯送香連丸一錢五分，挾虛者以補中益氣湯，倍柴胡煎送香連丸二錢，此薛立齋先生之心法也。

小柴胡湯

方見傷寒

男元犀按凡服治瘧藥宜瘧未至前三時服或煎兩服一服於瘧期五鼓時服留一服於瘧未至前二時服最妙

凡治瘧藥古法必露一宿以瘧爲暑邪暑氣得露而消也

又近醫以初瘧忌用人參白朮扶苓此說本之嵩崖尊生余雖不滿亦當從衆今卽照嵩崖去人參加青皮一錢五分

寒多加乾薑桂枝各二錢

熱多加知母花粉各二錢或加黃連石膏

本方去人參加常山草果知母檳榔川貝母各二錢名清中驅瘧飲大意以無痰不成瘧此方爲治瘧之總方也然亦多效

警申飲

鱉甲 三錢 醋炙

白朮 炒

黃芪

川芎

酒白芍

檳榔

草果 煨

厚朴

陳皮

甘草 各一錢

生薑 三片

棗肉 三枚

烏梅 二枚

水煎服

又有久瘧流連不愈。及三陰瘧三日。一作者當分五藏之虛而施。溫補宜以景岳何人飲。休瘧飲常服。瘧作之期。或加少陽藥一二味。及常山川山甲。附子。金銀花之類。以通經絡。或用人參一二兩。生薑一兩。濃煎服之。此不截之截法也。家貧者以冬白朮一二兩代之。血虛者以當歸一兩代之。

瘧雖有五藏之分而久瘧證治法只以補脾為主蓋以土為萬物之母五臟六腑皆受蔭焉况瘧為少陽之邪戊巳之土久受甲木之尅扶弱抑強之法權是操於醫者宜於六君子湯四君子湯補中益氣湯諸方加之意焉

何人飲

何首烏

一兩不見
鐵或生用

人參

二三錢
或一兩

陳皮

一二錢
虛者不用

煨生薑

二三錢

水煎服

休瘧飲

何首烏

四錢或
一兩

人參

二三錢

白朮

三錢
炒

當歸三錢

炙草一錢

陰陽水服

又久瘧不愈。必求之腎。如腎水不足。熱多者。以六味丸加味主之。腎火不足。寒多者。以八味丸加味主之。高鼓峯醫案云。余治一人。三陰瘧不愈。令吞八味丸。服人參養營湯。冬至日。再加附子一錢。至半夜汗出而愈。汗出者陽回之兆。亦邪解之徵也。愈於冬至日者。以陽生而陰退也。

中益瘧疾脉象

瘧脉自弦

浮弦表邪

沉弦裏邪

洪弦屬熱

遲弦屬寒

滑弦食積

久瘧之脉

微細虛弱

漸緩則愈

弦緊則殆

止敗雙弦

代散莫救

雄黃龜酒方

治三日久瘧神妙

用活大烏龜一個連壳左右肩上各攢一孔以明雄黃錢九研細末每孔糝入三錢外以磁黃泥包固勿令泄氣炭火上煨存性研細末每服一錢空心陳酒送下一二三服即止

香圓雄黃散種福堂

陳香圓個一去頂皮大者每隻加透明雄黃錢三研細末糝入香圓內炭火中煨存性再研極細末每服七分用軟腐衣作六七包好咽下此日不可吃湯水任其嘔去頑痰

斑貓截瘧丹 種福堂

斑貓

巴豆肉

硃砂 各一錢

麝香 二分

雄黃 一錢五分

蟾酥 五分

右用黑棗三枚搗丸如菉豆大貼眉心一周時搗下投長流水中

常山草果散 種福堂

常山

草菓

川烏

草烏

陳皮

甘草 各一錢 研末

用絹袋盛貼聞於鼻間瘡即止不必煎服

椒雄貼臍丸 種福堂

胡椒

雄精

右二味等分、研末將飯研爛為丸如桐子大外以硃砂為衣將

一丸放在臍中外以膏藥貼上瘡即止

木薑烏棗丸

種福堂

白朮斤一

生薑

一斤搗出汁并白朮渣晒乾

右為細末將黑棗一斤煮爛去皮核為丸

桂麝椒雄膏

種福堂

治虛寒瘧孕婦忌貼

桂心

一分

麝香

三厘

雄黃

七厘

胡椒

七厘

共研極細末納臍中外以膏藥貼之

葶藶燒酒種福堂

治不論雙單瘧

用大葶藶將好燒酒自春浸至秋間如瘧至不貪飲食食則脹滿不下者每日服葶藶兩個三日即愈

痢症

王損菴云痢症不外濕熱二字所受不外陽明一經陽明為多氣多血之府。濕陰邪也。濕勝於熱則傷陽明氣分而為白痢。熱陽邪也。熱勝於濕則傷陽明血分而為赤痢。濕熱俱盛則為赤白俱見。初病即以葶藶藥湯主之。大意以行血則膿血自愈。調氣則後重自除。真百發百中之奇方也。若發熱頭痛脈浮而緊是風寒鬱而不

解內陷而爲痢。宜以人參敗毒散鼓之外出。苟得微汗其痢自鬆。若徒用痢門套藥殺人不少。大抵痢症漸久漸虛。而用藥亦宜漸補。漸調。四君子湯。六君子湯。四物湯。補中益氣湯之類。煎送香連丸。是薛立齋先生活法。余遵用甚效。

芍藥湯 方見時方

治痢初起腹痛裏急後重者

小便短澀者加滑石二錢。澤瀉錢半。

腹痛者加砂仁一錢。

滯澀難出者加當歸白芍各錢半。甚者加大黃一錢。

若食積者加山楂三枚。

白痢者加陳皮砂仁茯苓各一錢

紅痢者加川芎桃仁各一錢

紅白相雜者加川芎桃仁以理血滑石陳皮蒼朮以理氣

如嘔吐食不下者加黑梔蓮子去殼三錢倉朮三錢入生薑汁

一滴緩緩呷之以瀉胃口之熱濕

人參敗毒散方見時方

加味平胃散

蒼朮二錢

陳皮

甘草各一錢

厚朴一錢五分

猪苓

黃芩

澤瀉各一錢五分

乾薑五分

白芍三錢

陳倉米五錢

水煎服

色紅去乾薑加當歸三錢黃連一錢

香連丸

方見時方

張景岳謂痢症是夏月畏熱貪涼過傷生冷至大火西流新涼得氣則伏陰內動應時而為下痢初起宜抑扶煎佐關煎溫藥以調之導之久痢用胃關煎溫補命門真火以扶脾土則痢自止景岳此說雖偏不可盡信而陰藏之人素多寒病一有不慎即患此症不可不知余每於此症初起察其脉遲而細手足俱冷腹癢而裏急後重者以乾薑二錢附子一錢吳萸一錢當歸三錢炙甘草一錢大黃曰芍各一錢五分溫通之久痢每以八味丸補中益氣

湯開服收功粟穀訶子赤石脂肉豆蔻澹之藥不可早服久痢

亦不可癢

又噤口痢乃胃中濕熱之毒薰蒸清道而上以致胃口閉塞而成
噤口之證亦有誤服瀉熱之藥而邪氣停於胃口者用人參石蓮
子等分煎服強押但得一口下咽虛
熱即開更以二味為末頻頻服之

種福堂用五穀虫三錢微炒研末以米湯送下又休息痢流連年
餘不愈愈而又作是塊澹太早餘邪未淨宜巴豆仁一錢研去油
淨當歸一兩萊菔子五錢炒同研為末以冬蜜為丸如桐子大每
空心以開水送下三丸至七丸以竭其餘邪自愈

張石頑曰血色鮮紫濃厚者屬熱若瘀晦稀淡如瑪瑙色者為陽
虛不能制陰而下非溫理其氣則血不清理氣如爐滄分金最為

捷法。設不知此。概行疎利之法。使五液盡隨寒降而下。安望有寧止之日哉。

以伏龍肝二兩。取其溫煖土臟煎湯代水。煮參朮苓草薑桂等藥。多取奇效。

五色痢是精氣受傷。五液不守之患。宜益火消陰。寔脾隄水。兼分理其精氣。卽噤口不食者。亦不出此法。

又曰丹溪治噤口痢。多用石蓮子。今此物真者絕無。余常用藕汁煮熟。稍加糖霜。頻服。兼進多年陳米稀糜。調其胃氣。取效。此卽石蓮子之意也。

又曰。休息痢。服補中益氣。數劑不應。反下鮮紫血塊者。此久風成。

殄泄風氣通於肝肝傷不能藏血也三奇散倍防風加羌葛升麻
其一切利水破氣藥皆為切禁

三奇散

治痢後下重

枳殼生

防風

各一兩黃耆二兩

為散每服二錢米飲下

伏龍肝湯丸

治胎前下痢產後不止

炮黑山查肉

一兩

熬焦黑糖二兩

二味一半為丸一半為末用伏龍肝二兩煎湯代水煎末二錢

送前丸二錢日三夜二服一晝夜令盡氣虛加人參二三錢以駕馭之虛熱加砲薑肉桂茯苓甘草兼感風寒加葱白香豉膈氣不舒磨沉香汁數匙調服

羊脂煎丁金

治久痢不痊

羊脂一基子大

白蠟二基子大

黃連末一升

酢七合煎取稠

蜜七合煎取五合

烏梅肉二兩

亂髮炭洗去垢臍燒末一升

右七味合內沙鍋中湯上煎之攪可丸飲服如桐子大三十九

日三服

張石頑曰羊脂性滑利千金方用治久痢不瘥專取滑利以通

虛中留滯也。其後且有羊脂、阿膠、蜜、蠟、黍米作粥，方深得炎帝本經補中寓瀉之意。

生死症及脈法

身不熱者輕，身熱者重，發熱不休者死，能食者輕，不能食者重，絕食者死，發嘔者死，直腸自下者死，久痢忽大下結糞者死，小兒出痘後即發痢者死，婦人新產即發痢者死，瀦為血少，尺微厥逆，滑大主積，浮弦急死，沉細無害。

痢疾續論

次男元犀按近傳治痢有三禁，一曰發汗，蓋以下利一傷其津。

液發汗再傷其津液。津液去則胃氣空。而下出之濁氣。隨汗而
而上入胃中。遂成脹滿。難治。二曰利水。蓋以痢疾裏急後重。滯
痛難忍。若前陰過利。而後陰愈瀦。而積滯之物。欲下甚難。三曰
溫補。蓋以痢爲濕熱所傷。得溫則以火濟火。恐致腐腸。莫救。得
補則截住邪氣。多致流連難愈。此三者。時醫傳受之心法也。然
亦有不可泥者。醫學真傳曰。凡痢疾初起。發熱不休。非肌表有
邪。卽經絡不和。溫散而調營衛。外邪一解。其痢自鬆。若概以爲
熱。開手卽用寒涼。多有陷入變劇者。不少。故喻嘉言所謂下痢
必從汗先解其外。後調其內。首用辛涼以解其表。次用苦寒以
清其裏。一二劑愈矣。用治病之方。再加發表之藥。失於表者。外邪但從裏出。

不休。故雖百日之遠。仍用逆流挽舟之法。引其邪而出之。於外。

則死症可活。危症可安。人參敗毒散主之。服後逼其暫時燥熱。頃之邪從表出。熱自

解矣。此可見發汗是治痢之要法也。又喻嘉言有急開支河一法。

謂熱邪之在裏者。奔逼於大腸。必鬱於膀胱。膀胱結熱。則氣不

化。而小便短赤。不可用逆挽。宜從其小便而順導之。然而水出

高源。尤宜用辛涼之藥。清肺之化源。金匱有下利肺痛者。紫參

湯主之。通因氣利訶黎勒散主之。通以下涎液消宿食破結氣。澀以固腸脫。通塞互用之意。

也。亦見利水非古人之所忌也。至於溫補法。詳於景岳全書。如

佐關抑扶二煎。非溫劑乎。胃關煎。非補劑乎。雖矯枉之說。不能

無偏。亦堪為肄用。芩連查朴者之救弊也。誰曰治利有三禁乎。

喻嘉言曰。又有驟受暑濕之毒。水穀傾囊而出一晝夜七八十行。大渴引水自救。百杯不止。此則腸胃爲熱所攻。頃刻腐爛。更用逆挽之法。迂矣遠矣。每從內經通因通用之法。大黃黃連甘草一晝夜連進三五十杯。俟其利止渴緩。乃始平調於內。更不必挽之於外。蓋邪如決水。轉石乘勢出盡。勿可挽也。

又曰。治瘧之法。當從少陽而進退其間。進而從陽。則從少陽爲表法固矣。乃痢疾之表亦當從於少陽。蓋水穀之氣由胃入腸。疾趨而下。始焉少陽生發之氣不伸。繼焉少陽生發之氣轉陷。故泛而求之三陽。不若顯而求之少陽。俾蒼天清淨之氣。足以升舉水土物產之味。自然變化精微。轉輸有度。而無下利奔迫。

之苦矣。况兩陽明經所藏之津液既已下泄，尤不可更發其汗。當從少陽用和法，全非發汗之意。津液未傷者，汗出無妨。津液既傷者，皮間微微得潤，其下陷之氣已舉矣。

小柴胡去半夏加栝樓根湯

方見金匱

喻嘉言曰：此方乃少陽經半表半裏之的劑。原方用半夏之辛溫，半兼乎表。今改用栝樓之涼苦，半兼乎裏。退而從陰，則可進而從陽，不勝其任矣。但不必更求他藥，惟於柴胡增一二倍用之，允為進之之法也。

人參救毒散

方見時方

喻嘉言曰：活人此方全不固病痢而出，但余所為逆挽之法，推

重此方蓋藉人參之大力而後能逆挽之耳

胃關煎見泄瀉

佐關煎景岳

治生冷傷脾瀉痢未久者宜此湯此胃關煎之佐也

厚朴炒

陳皮各一錢炒

山藥

扁豆

猪苓

澤瀉各二錢

葷薑二三錢炒

肉桂一二錢

甘草七分

水煎服

如腹痛者加木香吳萸之類泄甚者加故紙肉蔻之類

抑扶煎景岳

治暴傷生冷致成瀉痢初起血氣未衰者此胃闕煎表裏藥也

厚朴

陳也

烏藥

各一錢五分

猪苓

澤瀉

炮乾薑

各二錢

萊菔

五分

甘草

一錢

水煎服

斗門秘傳方

方見時方

治毒痢藏府撮痛膿血赤白或下血片日夜不息及噤口惡痢

他藥所不能治者立見神效

附子丸

聖濟總錄

治洞泄寒中注下水穀或痢赤白食已即出食物不消

春傷熱風邪氣

流連至長夏發為洞泄陰生於牛至未為甚長夏之時脾土當旺脾為陰中之至陰故陰氣盛陰氣既盛則生內寒而洞泄

矣

附子

烏梅肉

各一兩炒

川連

二兩炒

乾薑

一兩半炒

蜜丸桐子大米飲下二十九

通聖散

聖濟總錄

治血痢腹痛日夜無度

大棗

烏梅

各三枚

甘草

三錢

乾薑

一分

水煎服

和中散

聖濟總錄

治冷熱痢腹痛裏急

附子

一錢四分

赤痢減半

川連

一錢四分

白痢減半

乳香

一分五厘

共為末米飲湯下未止用青皮

再下一服

黑豆湯 聖濟

治赤白痢服藥不止

黑豆 炒去皮 甘州 一兩

用綿裹入湖水煎二杯分二服

[Faint bleed-through text from the reverse side of the page, including characters like 聖濟, 甘州, and 一兩.]

醫學從衆卷六

閩吳航陳念祖修園甫著

次男元犀靈石叅訂

孫男

心典徽菴

全校字

心蘭之亭

傷暑

夏日炎炎。耗傷元氣。故病必體倦脉弱。身熱自汗。煩躁面垢唇青。李東垣以動而得之為中熱。靜而得之為傷暑。熱陽而暑陰也。其寔未確。蓋以暑字從日。暑即熱也。何必分名。但動靜二字。是陰陽分別。茲仍分動以得之。靜以得之。以為此症提綱。

何謂動以得之。長途赤日，荷重作勞，因而疾病。如大熱傷暑而發熱頭痛與

傷寒症司。但傷寒吐有而梁傷暑。麻洪而虛。以此為解。香薷是解表却暑之為。暑月之用香薷。與冬月之用麻黃同義也。大渴

麻虛白汗。宜白虎人參湯。主之。更加身體重着。是暑而挾濕。宜蒼

朮白虎湯。主之。若有吐瀉腹痛。此方不可輕用也。若前症發熱身

疼。口燥咽乾。或吐或瀉。宜黃連香薷飲。主之。又有暑風症。因暑氣

鼓激痰入。塞得心竅。以致卒倒不省人事。宜吐之。或以千金消暑

丸灌之。

白虎湯見傷寒

一。加人參二錢。名白虎人參湯。治汗出惡熱。身熱大渴等症。一

加蒼朮二錢。名蒼朮白虎湯。治汗出身熱。足冷等症。

黃連香薷飲

方見詩方

去黃連名香薷飲治同

暑風發搐加羌活藜苳各一錢

瀉利加白木茯苓各一錢五分

虛汗不止加白朮一錢五分炙黃芪三錢

心煩加梔子硃砂各一錢

嘔吐加半夏二錢藿香陳皮各八分薑汁少許

何謂靜以得之。避暑於深堂大廈為陰寒所過。暑不得越。手足厥逆者。大順散主之。霍亂吐瀉口渴者。五苓散主之。不瀉者。理中湯主之。亦有以二湯送下六一散三錢者。巧法不可言傳也。

大順散

乾薑一錢

甘草八分

杏仁二分去皮尖炒

肉桂六分

共為末每服五錢水一鍾煎七分服如煩燥井花水調下三四

五錢

又有遇夏即病秋後即愈是暑傷元氣如草木過盛日則痿得雨

露則挺名曰注夏症宜補中益氣湯照薛氏醫按去升麻柴胡加

麥冬一錢五分五味黃柏各五分炮薑三分服三四劑

又生脉散清暑益氣湯六一散皆却暑之良方一切暑病不可須

臆離之學者當於三方求其奧旨難以縷陳

脉法

傷暑脉洪而虛

大蒜新汲水方

治中暑法

大蒜一把

同新黃土研爛。以新汲水和之。濾去渣。灌入即活。凡中暑傷暑。不可使與冷物。俟稍甦。方可投冷物。則中氣運動無患也。

田中乾泥圈臍方

治中暑昏眩煩悶欲絕急救法

取田中乾泥。做一圈。堆在病人肚上。使少壯人撒尿於泥圈肚臍中。片時即得生甦矣。後不可飲冷湯。須進溫米湯。

絲瓜白梅方
治中暑霍亂

治中暑霍亂
治中暑霍亂

絲瓜葉片一 白霜梅一枚分

右同研極爛將新汲水調服入口立瘥切不可飲熱湯

陳皮藿香湯

治傷暑急暴霍亂吐瀉方
治傷暑急暴霍亂吐瀉方

陳皮五錢 藿香五錢

右用土澄清水二杯煎一杯服之立愈

扁荳飲

治傷暑

取扁荳葉搗汁一碗飲之立愈

鹽薑湯

治傷暑霍亂上不得吐下不得瀉身出冷汗危在頃刻者

食鹽

一兩

生薑

五錢切片

同炒變色以水一大碗煎服吐出自愈不可熱服好後切不可遽吃飯食俟餓極後方可吃稀粥

取新汲水法

具見種福堂

治中暑昏眩煩悶欲絕急救挖地深三尺取新汲水傾入坑內

攪濁飲數甌即愈

腫症

腫者腫於外脹者脹於內二症宜分看然二症相因亦宜合看

腫者皮膚腫大。古人有氣水之分。其寔氣滯則水不行。水不行則氣愈滯。二者相因爲病。水脹篇以按其腹。背而不起者爲氣腫。按其腹。隨手而起。如囊裹水之狀者。爲水腫。景岳反其說。以水症按之。背而不起。此水在肉中。如糟如泥之象。未必如水囊之比。按之隨起。惟虛無之氣。其速乃然。余閱歷之久。知二說亦不必拘。大抵腫微則按之隨起。腫甚則按之不起。兩脇及轉動之處。按之卽起。足面及膝股內。則按之不起。辨症不必以此爲憑。當於小便之利與不利。以分陰陽。身之多熱與多寒。脈之洪大與細微。以分寒熱。病之起於驟然與成於積漸。及年高多病與少壯無病之人。分其虛寔。以先腹而後及四肢。或先四肢而後及於腹。分其順逆。景岳

云水氣本為同類。治水者當兼理氣。蓋氣化水自化也。治氣者亦當兼行水。以氣行而水亦行也。此症當與癰閉症參看。

初患腫病氣喘不得卧。以五皮飲為第一方。蓋此方以皮治皮。不

傷中氣所以為妙。

若腫而兼脹。小水不利。宜胃苓湯主之。或以四苓散。以半熟蒜搗

丸服。極妙。

五皮散

按上身腫宜發汗。加蘇葉荆芥藜苳各一錢五分。

下身腫宜利水。加赤小豆木通各一錢五分。防己一錢。

口渴多熱小便不利為陽水。加滑石木通車前子麥冬各一錢。

五分。木香五分。

不渴小便自利多寒為陰水。加白朮蒼朮各二錢。附子乾薑木

香各一錢。

脉滑實腹脹脇滿。加生麻子一錢五分。白芥子八分。枳寔一錢。

半夏二錢。

婦人經水不調而腫。是血化為水。名水分。加紅花八分。桃仁香

附各一錢五分。婦人經水適斷即腫。是水化為血。名氣分。加當

歸三錢。五靈脂醋炒一錢五分。香附一錢五分。

按服此方愈後必加減腎氣丸及六君子湯之類收功。

胃苓散

俱見妙用

四苓散加味為丸

白朮炒一兩

茯苓二兩

猪苓一兩

澤瀉一兩

研末以半熟蒜為丸如菉豆大開水送下三五錢

腫症積漸而成及久而不愈氣喘口渴不卧腹脹小便短少大便微澀一切危症不外薛氏加減腎氣丸主之

張景岳曰內經云腎為胃關關門不利故聚水而從其類也然關門而何以不利也經曰膀胱者州都之官津液藏焉氣化則能出矣夫所謂氣化者即腎中之氣也即陰中之火也陰中而陽則氣不能化所以水道不通溢而為腫故凡治氣者必先治水治水者必先治氣若氣不能化則水必不利惟下焦之真氣得行始能傳

化惟下焦之真水得位始能分清。求之古法。惟薛立齋先生加味
腎氣丸。誠對症之方也。余屢用之。無不見效。
薛氏加減腎氣丸

熟地四兩

茯苓三兩

山茱萸

山藥

丹皮

牛膝

澤瀉

車前

肉桂

各一兩

附子

錢五

煉蜜丸。如桐子大。每服三錢。開水送下。一日兩服。

如素稟陽盛。三焦多火。煩渴。面赤。喘嗽。脈滑寔。此濕熱相因。陰

虛之證。去桂。附加麥冬。主之。醫學心悟云。下焦濕熱。去桂。附加

黃柏。蛤蚧粉。最妙。

麻黃附子湯

方見金匱

去附子加杏子石膏名杏子湯

又明醫指掌云腫勢太盛內而膀胱外而陰囊相連緊急阻塞道路雖加利水之劑苦無一線之通病何由去必開大便以逐其水。隨下而隨補則病已去而脾無恙漸為調理庶可得生慎毋守利水之舊規也如腫勢未盛還以利水為上策。按此法惟少年體壯可以偶用否則不可輕試。

脉色

脉沉遲大便滑小便利口不渴面青白為陰。
脉沉數大便燥小便赤口渴面赤為陽。

大抵脉喜浮大忌遲細。
仲景云水腫脉浮者死。謂腫盛皮膚甚厚脉浮於皮毛之外輕捫之如隔一紙是死脉。

腫脹危候

大凡水腫先起於腹而後散四肢者可治先起於四肢而後歸於腹者難治。

掌腫無紋者死。

大便滑泄水腫不消者死。

唇黑唇腫齒焦者死。

臍腫突出者死。

缺盆平者死

陰囊及莖俱腫者死

脉絕口張足腫者死

足跗腫膝如斗者死

肚上青筋見濕後腹腫者死

男從身下腫上女從身上腫下皆難治

燈草蘿蔔湯

種福堂

治腫脹

燈草

一大把先將水四碗煎至三大碗

蘿蔔子

一兩

砂仁

二錢

將二味研末傾入燈草湯內畧滾即盛入壺內慢慢吃下吃盡

不見效如前再煎。一服俟腹响放屁小便長而腫即退。

脹症

宜參看
脾症

脹者心腹脹滿寔者脹起於驟然便寔脉滑而寔宜散之消導之。
攻下之。虛者脹成於積漸小便利大便滑脉濇小虛微病在中焦。
以參朮補之病在下焦以桂附吳萸溫之。或兼行滯之品而標本
並治亦有與腫症相兼者當參看腫症辨症法。
脹而屬熱脉寔而滑者廓清飲王之。

廓清飲

枳殼二錢

薑朴五分

大腹皮一錢

白芥子五七分或一二錢

茯苓皮二三錢

萊菔子生搗一錢如中不甚
非能食者不必用

澤瀉二二錢

陳皮錢一 水煎服

脹而屬寒者胃苓湯主之兼小便不利者四苓散以蒜為丸主之

二方見 腫症

脹而屬七情所致者宜四七湯主之逍遙散亦主之

四七湯

半夏錢三

茯苓錢三

厚朴錢二

蘇葉錢一

生薑片三

水煎服

此方妙在紫蘇葉一味辛以散結香以醒脾兩順氣消脹行水

乃其餘事

逍遙散 方見時方

此症宜加半夏二錢以降逆氣。加生麥芽三錢以達肝氣。蓋麥
先春而萌芽得春生之氣最早也。

脹而屬虛者。脈微弱細小。喜摩按。二便利。氣衰言微。宜六君子湯。
理中湯。合入味丸服之。

單腹脹死症也。或青年壯健。起於驟然。若心下堅大如盤者。以金
匱桂枝去芍藥加麻黃附子細辛湯直搗其痰水氣血之巢穴。嗣
以枳朮散消補並施。可救十中之一。然此猶是症也。若虛症難治。
攻之則速其危。補之愈增其脹。余家傳有消鼓丹。加白朮一兩。試
用四五劑。不增脹。方可議治。但消鼓丹方中陽起石無真。硫磺非
從倭來。亦不能效。故方亦不列。

又名鼓脹。以外寔中空其狀如鼓也。又名蟲脹。易曰蟲壞極而有事也。人病蟲者脾土敗壞身不卽死復有事也。事猶病也。

桂枝去芍藥加麻黃附子細辛湯 方見金匱

枳朮散 方見金匱

白朮 四兩

枳實 二兩

研末每服三錢穀芽湯送下

脉象

喜浮大忌虛小餘參看腫症脉

蘿蔔牙皂散

治五噎神方

蘿蔔子 四兩用巴豆十六粒同炒

枳壳 四兩火酒煮切片炒 大黃 一兩酒炒

牙皂 一兩五錢煨去弦 沉香 五錢

琥珀 一兩

右共為末每服一錢隨病輕重加減鷄鳴時溫酒送下薑皮下亦可後服金匱腎氣丸調理收功

蕉扇干金滑石散

治水厥

陳芭蕉扇 去筋燒灰存性五分

干金子 去油壳二分五厘

滑石 二分

共為細末以腐皮包滾水送下一服全愈

黃牛糞散

治臌脹

用四五月將黃牛糞陰乾微炒黃香為末每服一兩煎半時瀘
清服之不過三服即愈

葫蘆糯米酒散

治中滿臌脹

陳葫蘆

一個要三
四年者佳

糯米一

作酒待熟用葫蘆瓢於炭上炙熟入酒浸之如此五六次將瓢
燒灰存性為細末每服二錢酒下立效

猪肚大蒜湯

治臌脹

雄猪肚子 個一

八大蒜 兩四

檳榔 末

砂仁 三錢 研末各

木香 錢二

砂罐內用河水煮熟空心服猪肚立效

橘葉青鹽湯

治肝氣脹

烏梅 個二

鮮橘葉 錢三

青鹽 錢二

川椒 錢二

水煎空心服

蝦蟇砂仁散

治氣脹

將大蝦蟇一隻破開用大砂仁填滿腹中黃泥封固炭煨紅冷

冷定去泥研末陳皮湯調服放泥即愈

蘿葡砂仁散

治氣脹氣脹

蘿葡子二兩

搗研以水漚汁用砂仁一兩浸一夜炒乾又浸又晒凡七次為

末每米湯送下一錢

白螺解脹敷臍方俱見種

治一切臌脹肚飽發虛

大田螺一個 雄黃一錢

甘遂末一錢

麝香一分

先將藥末用田螺搗如泥以用置臍放藥臍上以物覆之東好

待小便大通去之重者用此相兼小便大通病即解矣

大消渴

傷寒太陽症消渴小便不利宜五苓散厥陰症消渴宜大承氣湯之類與雜病之消渴名同而病異宜分別之

經云心移熱於肺傳爲鬲消昔醫名爲上消以白虎湯加入麥治之又云大腸移熱於胃善食而瘦昔醫謂中消以調有承氣湯下之。下消者煩燥引飲耳輪焦乾小便如膏或飲一升溺一升飲一斗溺一斗以腎氣丸主之。

趙氏曰治消之法無分上中下先治腎爲急唯六味八味及加減八味丸隨症而服服其心久滋其腎水則渴自止矣白虎承氣皆

非所治也。或曰：人有服地黃湯而渴仍不止者，何也？曰：此方士不能廢其繩墨而更其道也。蓋心肺位近，宜制小其服；肝腎位遠，宜制大其服。如上消中消，可以前丸緩而治之；若下消已極，大渴大燥，須加減大八味丸料：一、劬肉桂一兩，水煎六七碗，恣意水冷飲之，睡熟而渴如失矣。處方之制存乎人之變通耳。

或問：下消無水，用六味丸以滋少陰腎水矣，又加附子肉桂者，何蓋因命門火衰不能蒸腐水穀，水穀之氣不能蒸蒸上潤乎肺，如釜底無薪，鍋蓋乾燥，故渴。至於肺亦無所稟，不能四布水精，並行五經，其所飲之水未經火化，直入膀胱，正謂飲一升，溺一升，飲一斗，溺一斗，觀其尿味甘而不鹹，可知矣。故用桂附之辛熱壯其少

陰之火。灶底加薪。枯籠蒸溽。槁苗得雨。生意維新。惟明者知之。味者鮮不以爲迂也。

張隱菴

諱志聰本朝人著本草崇原併侶山堂類辨

曰有脾不能爲胃行其津液肺不

能通調水道而爲消渴者。人但知以清涼藥治消。而不知脾喜燥而肺惡寒。試觀泄瀉者必渴。此因水津不能上輸。而惟下泄。故爾以燥脾之藥治之。水液上升。卽不渴矣。故以涼潤治渴。人皆知之。以燥熱治渴。人所不知也。

附案

辛亥歲。到義溪。有一婦人產後一年。口渴不止。服藥不效。予用四君子湯。加麥冬。烏梅。生乾薑。蜜丸。彈子大。令其噙化。三日。知十日。

全愈方中妙在白朮之苦燥乾薑之辛熱所以鼓胃氣而升其水

液也

玉泉散

治消渴

白甘葛

天花粉

麥冬

生地

五味子

甘草

各等分水煎服

還津丸

治止渴生津

酸梅

烏梅各二十五
枚俱去核
薄荷末

一兩

水片

五厘

硼砂 一錢五分

共研極細末為丸每含一丸

消渴潤燥方

白蜜

八乳酥 名一

右溶化一處每日不拘時時服

繅絲湯

治消渴

正用繅絲湯飲之

麻仁丸 方見傷寒

腎氣丸 方見金匱

白米之香熟薄薑之辛燥視以姑胃愈而斥其水

六味丸方見時方

多甘草湯方見傷寒

三方俱見虛癆

腰痛

經曰太陽所至為腰痛太■膀胱也主外感而言如五積散及桂枝湯加白朮附子之類皆可治之。又曰腰者腎之府轉搖不動腎將憊矣。至內傷而言水虛用六味丸火衰用八味丸如牛膝杜仲鹿茸羊腎人參當歸枸杞之類無不可以隨宜加入。比恒法也。業醫者無不共曉用而不效則束手無策而不知肝脾胃及督脉帶脉皆有此病。須當細心分別。經云肝足厥陰也是動則病腰痛不

可以俯仰。宜當歸四逆湯治之。

方中細辛能透肝性木通能通絡脈以久痛必入絡

文曰從

腰以下者。足太陰陽明皆主之。病在腰者。取膈中。余遇此症。每以

白朮為君者。取之太陰。有時用苡仁為君者。取之陽明。人第曰二

藥利濕。濕去而重着遂已。孰知白朮運行土氣於肌肉。外通皮膚。

內通經脈。風寒濕三氣為痺。一藥可以兼治。苡仁為陽明正藥。陽

明主潤宗筋。宗筋主束骨而利機關。故二藥分用合用。或加一二

味引經。輒收奇效。又有瘀血作痛。以一味鹿角為末。酒調服甚效。

或因挫跌。外傷腫痛。或敗血凝滯。而不去。痛止而又作者。以桃仁

承氣湯加附子。穿山甲甚效。至於督脈為病。尺寸中央俱浮。

三部俱浮

直上直下。

弦長之象

主腰強痛。帶脈為病。關部左右彈。主腰溶溶如坐。

水中須用鍼炙之法李瀕湖奇經考極有發明宜熟讀之

當歸四逆湯

桂枝湯俱見傷寒

六味丸

八味丸俱見時方

新定白朮湯

治腰痛而重諸藥不效者。

白朮生用五錢至一兩 杜仲生用五錢或一兩 附子三錢

水煎空心服

脈沉而微口中和加肉桂一錢

脉沉而數口中熱去附子加黃柏一錢

新定薏仁湯

治腰痛筋攣難以屈伸者

薏仁

一兩

附子

一二

木瓜

一分

牛膝

二三錢

水煎空心服

如脉洪重按有力口中熱去附子加白朮五錢

鹿角散

以鹿角切片酒拌焙黃勿焦研末空心老黃酒送下三四錢以此藥入督脉兼能拓散瘀血也

備方

青娥丸

治腎虛感寒濕之氣

胡桃三十個
去殼膜

故紙六兩
酒炒

杜仲十六兩
薑汁炒

蒜四兩
炒

共研末丸桐子大酒下三十丸

奇效方

胡桃肉

補骨脂

杜仲各
錢

水三鍾煎一鍾服

按骨脂
宜減半

甘藷苓朮湯

金

按此湯去茯苓以四味各等分名腎着湯治同

摩腰膏

種福
堂

治老人虛人腰痛婦人帶下清水不臭者虛寒者宜之

附子各二錢 川椒

雄黃各一錢 樟腦 丁香各五分 乾薑一錢

麝香一分

右為末煉蜜丸如彈子大用生薑自然汁化開如糜蘸于掌上
烘熱摩腰中痛處即以煖帛紮之少頃其熱如火每日飲後用
一丸未大國平大國平三十大

自汗盜汗

自汗者汗自出屬陽虛宜玉屏風散加牡蠣浮小麥之類以寔表
補陽盜汗者睡而汗出醒而汗收屬陰虛宜當歸大黃湯以補陰

清火然陰陽有五根之理有陽虛而治其陰者陰虛而治其陽者不可不知又汗爲心液宜補其心以人參養榮湯主之液主於腎宜補其腎以左右歸飲大八味丸主之總之汗以元氣爲樞機苟大汗身冷必以六味回陽飲人參加至兩許方可挽回傷寒誤發其汗上焦津液乾枯必引腎水上泛外溢如水湧出名曰亡陽必以真武湯救之蓋以此湯君茯苓以鎮水佐附子以回陽也

汗出不治症

汗出而喘

汗出而脈絕

汗出而身痛

汗出髮潤至巔

汗出如油汗出如珠

凡見此類皆不得妄藥

脉息

宜陰脉若漸緩者吉

忌陽脉兼短湍促結代散草者難治

方藥

玉屏風散

白木二錢
炒

黃芪二錢
炙

防風五
分

水煎服

按宜以黃芪為君可加至五七錢

當歸六黃湯

治發熱盜汗如神

當歸

熟地

生地

黃柏

黃連

黃芩 各一錢

黃芪 二錢

水一鍾半煎六七分服

加浮小麥牡蠣各一錢更效

六味回陽飲

治陰陽俱脫汗出不止

熟地 四五錢 或一兩

當歸 二二三錢

乾薑 一二錢炮

附子 二三錢

人參 二三錢 至一兩

炙草 一二三錢

水煎服

按汗出亡陽者以茯苓換當歸再加烏梅二枚

真武湯 方見前 傷寒

外治法 熱汗出不止

用五倍子研末口水為丸貼臍中 男用女津 女用男津 外以膏藥封之不

走氣隔宿即止 各一驗更效

又以龍骨牡蠣煨研為末包稀布內擦汗粉白出以寔毛竅

備方

參附湯

木附湯

芪附湯 俱見時方 俱見氣喘

喻氏曰衛外之陽不固而自汗則用芪附湯脾中之陽逼鬱而自汗則用朮附湯腎中之陽浮游而自汗則用參附湯凡屬陽虛自汗不能含三方爲治又曰芪附可以治風虛朮附可以治寒濕參附可以壯元神三者亦交相爲用

按用方之妙得其性味化合如珠之走盪不詢成法

蓮棗麥苳湯

治盜汗方

蓮子七粒

黑棗七個

浮麥合

馬料苳合

用水一大碗煎八分服三劑

黃芪苳湯

黃芪

馬料荳

二味全煎服半月愈

五焙子膏

用五焙子去蛀末次乾研末男用女唾女用男唾調厚糊填臍
中外用舊膏藥貼之勿令泄氣兩次愈

黑荳麥梅湯

俱見種
扁宜

止汗方

黑荳

三錢

浮麥

一錢

烏梅

水煎湯服